

國

朝

詞

綜

國朝詞綜卷二十

青浦王昶纂

杜詔 十三首

程夢星 七首

王敬銘 一首

張梁 十五首

顧陳埏 三首

查爲仁 六首

陸綸 三首

徐逢吉 四首

樓儼 八首

杜詔

字紫綸號雲川無錫人康熙五十一年進士授庶吉士有浣花詞一卷鳳髓詞三卷蓉湖

漁笛譜一卷

顧梁汾云浣花風流醞藉詞如其人麗而則清而峭晏周之流亞也宋牧仲云紫綸詞

脫去凡艷品格在草牕玉田之間

杏花天

柳絲風翦青旗颭吹遍了杏花邨店滿浮蟻綠猩紅糝
怕是花濃酒醺霞頰暈朱唇乍點烟鬢溼粉痕猶歛
尋春那抱傷春怨約畧疎香小豔

南鄉子

絮語曲闌邊小炷金猊窄袖偏手約篆絲風不定凭肩
一袖香分兩袖烟幾欲卸頭眠翠被重熏夢不圓錯
認柔鄉容易住從前纔著思量便渺然

西江月

人靜擁爐時節夜闌翦燭房櫳枕邊花落賦殘紅欹側
釵頭小鳳睡裏旋銷酒暈醒餘還似春情鈴聲不耐
五更風並起秋衾說夢

百字令 燈花

簷前雨細問誰憐孤影綺櫳深閉暈出輕紅剛一點旋
滅一絲烟氣密帳潛移翠屏低款暗卜金錢喜可能來
日鳳箋小字相寄最是擁髻燈前鬢香零亂雙袖相
偎倚撲去飛蛾青不定怎禁夜寒風起不爲春愁依然
花落頃刻傷人意遙憐此際玉蟲偷翦還未

臺城路 秣陵感秋

石頭城下長千里誰夸六朝佳麗楊柳蕭疎胭脂蕪沒
一段秣陵秋意山容似洗尚繞住清江淡烟凝紫獨立
蒼茫最消魂處夕陽裏闌干猶是徙倚後庭花唱罷
往事休記北里歌喉南朝狎客幾幅吳綾香膩朱絲細
細說盡無愁燕箋燈謎那管重來庾郎愁未已

一翦梅

一碧秦淮瀉綠油隔院妝樓隔水歌樓幾番來去爲遲
留來是初秋去是深秋悵別秋風小泊舟燕子磯頭
楊子江頭雨三星火照人愁望裏瓜州夢裏揚州

滿庭芳

佛手柑嚴蒲漁先生屬和

碎隱犀紋瘦逾鳥爪生成垂手摻摻木奴纖巧淺蠟染
柔尖自去聞天路遠秋來共橘柚江南黃羅覆金衣玉
液揀取小筠籃一塵凡都脫盡慈雲結印寶露分甘倩
青瓷位置香透疎簾正是夜深寒淺還移向細火幽龕
時相對拈花一笑此意可曾參

西子妝

秋日家詒穀招遊湖上

月桂香寒霜蓮粉瘦浣淨碧波秋曉淡妝西子笑嫣然
爲多情錦衣年少翩然一擢任搖蕩雲山窈窕更何如
趁鴛鴦飛上湖心亭好凭闌悄眼底蕭森南渡風光
眇繁華空記柳卿詞我還來共君吟眺蘇堤窅窅看未

了懶尋蘇小過西陵愁絕烟花夢老

渡江雲

徐鳴皋過訪雲川閣坐雨

爲誰留客住疎疎院落瑟瑟雨聲中嫩涼飛不定只在
庭前幾樹木犀風秋香濕透渲染就一片秋濃怎不把
碧紗牕啟閑倚小樓東迷濛晚烟初上冷韻旋生做
水精眠夢肯再向軟紅塵土漂蕩游蹤今宵還共巴山
話到宵深翦燭誰同差可喜十年舊雨重逢

夜行船

次倚平韻

趁月且從南浦去算今宵泊舟何處隔水呼燈凭闌喚
酒好共淺眠深語回首十年前舊侶笑風流那時張

緒剩有秋心翻憐客夢忍聽垂虹風雨

掃花游

梁汾先生招同陳秋田飲紅梅花下時余又將北行

相逢有幾得共寫烏絲滿圍紅袖山亭置酒正春雲作
暖趲花時候萼破三分一點燕支染就粉香瘦怕密糝
錦裯微墮鴛鴦小闌人坐久待唱徹紅羅悄拈紅豆
情多感舊總零歌斷拍可憐分手爲問從今再向花前
醉否儘消受酒醒時曉風楊柳

玲瓏玉

雪夜擣石榴子汁置花瓷中俄而成冰色殊艷梁汾先生命製紅冰詞同秋田奕山作

誰喚凌人巧渲染艷漱波紅燕支沁入玉痕一片玲瓏

自是花房夜擣儘真珠凝滴瓊液杯中酥融如扶南花
瓮酒濃 可把紅霞細嚼怕酸寒滋味鑪火微烘試一
移燈照珊瑚碎影簾櫳憑他朱闌曲護怎禁得朝來欲
泮不耐東風便消去作桃花飛雨曉空

宴清都

燈下讀宋詞感賦和倚平韻

暈碧裁紅遍吟牋上教人無限腸斷春風老陌春衫意
態恁時銷滅縱然老去方回尙贏得江南愁滿可還記
月底花前十年簫譜同按 憐渠兩鬢飄蕭滿襟悽楚
心緒如翦清琴再撫清商再理曲中幽怨須知我亦栖
栖誤認却繁華一片便從今夢冷香殘閒雲自遠

程夢星

字午橋江都人康熙五十一年進士官編修有茗柯詞一卷

四庫全書提要云今有堂集詩畧近劍南一派而間出入于玉溪生詞亦具南宋之體但格力差減耳
江冷紅云香溪瓣香姜史故其詞極纏綿婉約之致

瀟湘逢故人慢

乾隆辛酉馬子嶢谷贈竹因植篠園中并作此解志之

荒園名篠無奇葩異卉高柳喬柯只種竹千窠記深處
留客小作吟窩花開一度剩萋萋逕草庭莎茆堂外月
空雲冷幾年夢隔湘娥重移處分嶰谷向橋東榜舟
遙送林阿早綠影羅羅有會宿嘉禽驚曉偏多琉璃笛
簾再來時消得婆娑從今後主人休問筇輿徑造如何

憶秦娥

冬閨

黃昏後錦衾繡褥香熏透香熏透淒涼今夜獨眠還又
巡檐且摘梅花嗅闌干凭處同消瘦同消瘦生憎霜
月照人依舊

點絳脣

和漱玉詞

風颭湘簾水沈縈碧流烟縷靜中春去樓閣深深雨
却倚雕闌脉脉無情緒凝眸處粉雲香霧遮斷天涯路

金菊對芙蓉

次楊蓮溪寒夜僧廬話舊韻

落葉堆愁饑鳥喚夢那堪兀坐幽窗况霜凝村徑月黯
僧房無端已作三旬別湖隄外尙滯歸航挑燈話舊可
憐歲晚偏是他鄉猶記分手和江藉前賢古蹟遙賦

山陽更重來尋賞半屬荒涼只餘垂釣臺還在開憑弔
烟水蒼茫勸君小住收羅冷景盡入詩囊

采蓮令

爲嶰谷詠盆荷

記江妃南浦初來處牽脩綆玉泉頻注幾叢翠蓋早亭
亭似欲凌波去湘簾卷風吹酒醒歌催夢覺冷香爭沁
詩句 莫采芳莖就裏只少蘭橈渡雕欄畔儼同汀渚
雨明軒子試消夏別有滄洲趣漫相憶鷗邊柳外疎花
涼葉三十六陂烟雨

疎影

賦

行庵東廊夕照竹影蕭疎如画與閨玉井同

茅齋晝靜看曲廊翠篠移過疎影葉總凌虛枝亦抽空

夕照趕風無定清陰似帶秋聲入覺響玉依稀堪聽問
夢中尋遍瀟湘可識箇中幽境 猶憶春宵覓句竹窩
客散後闌檻同凭又到山窓攜手同游與爾還添吟興
偷閑好向黃昏候皎月上夜來須等更倩他淡墨籠紗
小幅試描烟景

憶秦娥

秋雲疊却從薄處窺殘月窺殘月滿身風露冷吟初歇
小窻點點燈花結愁懷一段誰堪說誰堪說獨憐蟲
語似傷離別

王敬銘

字丹思嘉定人康熙五十二年 賜進士第一官修撰有未岩詩鈔一卷詞附

鵲橋仙 七夕

年時憶得星稀雲澹頻赴花邊密約相逢但訴隔宵情
笑碧漢迢迢飛鵲而今難覓濃歡幽意總付斷蓬飄
泊倩他醞面破愁眉蚤又似蛛絲牽著

張

梁

字奕山婁縣人康熙五十二年進士官行人司行人有幻花庵詞二卷

曲游春

闌干

曲曲花梢亞便綺窻雕檻深院幽靜一片芳心任周遮
不住日長閒凭屨響迴廊迴認半晌玉纖扶定想曉來
未捲湘簾百摺畫裙先映雅稱比肩人並記鸚鵡籠
邊私語會聽六六迴環共巫雲恹恹望中愁凝過盡梧

桐影愛一段月華猶賸甚爪痕細掐重重遍敲不應

王京秋

七夕同人小集怡園送陳大秋田之官長寧陳名聶恒庚辰進士有桐園詞

涼露滴他鄉又今夜共憐羈客鵲飛未定蟬鳴初息十
載詞壇勝侶甚相逢偏是離席攜吟筆一天雲錦細將
愁織 況是潘郎岑寂指天涯鸞分鳳拆官舍間海棠
花底春陰誰惜儂指三年早訂取同醉西山山色怎消
得此後檐牙月白

西子妝

再押前韻寄秋田紫綸

菊外離筵梅邊別酌一一玉鞭高舉吳山夜鶴蜀山琴
問何如軟塵羈旅幽懷自許奈容易天涯吹絮數相思

幾疎窻沉月空階鳴雨 飛花去綠暗重簾獨自愁城
據年時柳色短長亭尙依依剩絲殘縷遼天斷羽知他
日聯吟何處莫登樓怕見斜陽滿樹

東風第一枝

春雪用梅溪韻

拂草生姿縈叢作態輕寒欲換輕暖漫看珠箔光浮定
知錦鞵印淺翩翩妙舞似故學仙袞嬌軟數幾番風到
梨花勾引玳梁新燕 溪淡淡碧波照眼山漠漠翠烟
障面彩毫重約詩壇素練更流畫苑香閨咏絮早嫩柳
齊搓金縷倩郢歌調入琴絲不似灞橋曾見

暗香

余性愛梅故所居處處多植之然花時輒格他故未爲著語雍正歲庚戌花正餘又值淡

句風雨落燈後數日雪莊偕余羣從至此適
晚來稍晴約用白石韻以謝向者闕焉之咎

石湖春色自老仙跨鶴無人橫笛散入江邨帶雪和香
忍寒摘莫笑吾廬太冷客尙有當時吟筆便淨掃竹外
蒼苔幽賞簇燈席 南國正寥寂歎半落半開凍雲猶
積素娥暗泣遙隔瑤樓悄相憶曾記柴門夜皎雙槩泛
小溪澄碧又數點風弄雨枕邊聽得

洞仙歌

爲王述庵題照

吳綃蘸粉待香熏小像好展雅又翠屏上憶戲粘蠅淚
小賭香囊便巾裏都是路家新樣 舊曾名萼綠夢雨
傷春忽憶雲林伴幽賞燕尾漾殘紅苔絮蕤花偏只愛

逗烟薇帳想畫月仙毫也慵拈怕翠館偷來合筆傳唱
北夢瑣言路侍中巖善巾裏蜀人見必效之李賀詩本
是張公子曾名夢綠華沉香熏小像楊柳伴啼鴉

高陽臺

收圖潘君詩窮酒狂忤俗淪落歲丁亥與
予交年已近七十後五年而下世追憶接
膝聯吟光景猶在已丑秋同香林雪莊詠
芭蕉而止嗚呼收圖已矣筆墨猶生忽有
感慨聊寄於斯

筆塚淒涼糟邱冷落故人天外哀吟逗起孤懷短檠風
雨沉沉白頭一覺江湖夢問江湖可抵愁深渺餘音觸
手清風彈折瑤琴騷魂不逐巫陽下縱家傳白壁誰
鑄黃金老屋依然鸞化無計相尋西窓醉墨縱橫遞檢
殘編猶在而今最傷心昨夜芭蕉又展新陰

齊天樂 飲鶴梓還香堂

錦香繚繞圍晴晝。人間洞天長在。幾度迴腸。幾番引領。
重聽鶯聲。花外塵襟暗解。喜蘭蕙微薰。玉霏輕灑。遶樹
娑娑翠陰。如幄帽簷攏。清酹時序。正美百壺拚共倒。
風月須待壓架茶蘼。翻階芍藥。脉脉含情。無奈陶然盡
醉。又做起相思。併添詩債。倦理歸橈。別愁攜滿載。

渡江雲

頻歲與二三知己相聚於研真閣。雙杉之下。言笑靡間。癸巳夏將赴公車。重以諸君子失意之後。益增黯然。賦此留別。

綠杉池閣。竊彈琴。縱酒悶共數寒溫。素心歡正。恰楊柳
河橋。惆悵引離樽。相思又是掩蘆簾。野店燈昏。君只看

一帆風飽吹入隔江雲
驚魂年華草長心事花飛向
樽前凝恨空記取一場春夢漸漸無痕今宵幾處窓櫺
月照清愁却是懷人人縱遠休忘舊雨論文

又別內

雨昏楊柳岸鳴橈去也閒却倚窓琴寸腸能幾許連夜
挑燈相對曉鐘沉驪歌唱了立花堦尙惜分陰回首是
石榴紅綻剪碎別離心從今天涯芳草樓角斜陽想
懨懨長恁多恐是一床蝴蝶雨處追尋璫娥尙與秋衣
換待相迎只怕寒深還未卜一緘小字泥金

玲瓏玉

和杜五庶常紫綸紅水詞乃雪夜聽石榴
子汁所成

誰向嶮山巧收得凍雪花梢分明似玉怎知暖意全消
凝就春濃淡薄認酥融粉膩薇露勻調含嬌窺雲屏微
暈酒潮莫是情人別久滴相思珠顆緘冷香綃攜上
歌筵伴啼紅怨蠟光搖誰憐文園憔悴問爭抵瓊漿療
渴夢隔藍橋且吟玩怕東風吹到綺寮

西子妝

和珠岩兄聽雨次倚平韻兼憶秋田紫綸之作

浥翠窻深啼紅徑悄數日清觴慵舉騷騷屑屑易黃昏
對孤檠恍疑新旅閑愁幾許似吹動一襟芳絮染吟毫
悵風流雲散重逢今雨良朋去草色天涯雁足渾無
據寂寥花館遠鐘寒有誰憐鬢絲千縷飛飛倦羽尙回

首香叢深處攪離懷不那梧桐一樹

壺中天

余與紫綸別三年矣聞游秦中音問闊隔思之甚至形于夢寐丙午二月之杪忽蒙扁舟枉過邨居剪燈話舊款洽方深時以就館白門匆匆別去約共賦此解

相思纔了忽梅花窗外與君俱到秉燭相看非昔夢吳語畫屏聲悄一別驚心三年彈指世路羊腸繞羨君高致羅裙新句多少差喜別業初成方塘曲徑差足留清嘯寒勒花梢如有待同拂綠箋吟稿茗椀重攜薰爐未熟底事抽帆早登樓搔首碧雲依舊天渺

洞仙歌

孟亭約賦荷葉

小橋南北早田田無數改換年時送春路笑碧簪零亂

紈扇低回橫塘外漸引凌波微步 涼雲飛冉冉野渡
無人一片濃香自來去最憶月明時孤艇相逢傾蓋裏
依依鷗鷺還待與騷人剪秋衣任著破西風不妨重補

壺中天

雍正甲辰卜居珠街閣鎮得席氏廢園少
加修葺用黃叔暘自題玉林韻

五葦西北喜連峯秀色撲人眉宇琴阮邨闕闕外藹
藹綠陰庭戶俠豈朱家隱非角里愛此寬閒趣平生茶
癖水清隨汲堪煮 稍稍補竹添松疏泉磴石竒宛成
林塢誰道閉門耽寂寞大有鶯歌燕舞野老能來山僧
肯宿推作花間主烟鬟遙列賦詩還上高處

顧陳埏

字玉停太倉人康熙五十三年舉人官行人
司行人乾隆元年薦舉博學鴻詞有洗桐軒

集六卷

詞附

留春令

晚清軒送春

夢回晝永消魂更是幾番絲雨乳燕雙雙拂斜暉猶細
認香泥步 婪尾殘來光景暮下湘簾無語一片桑波
柳陰濃中有線春歸路

小重山

漠漠輕陰做晚涼空堦人獨立思微茫纔過疎雨見斜
陽蟬聲斷風影落橫塘 蓮葯臙殘妝柳梢纖月逗靜
琴張遠山籠靄黛痕長恹秋恨蛩語共商量

齊天樂

隰括溫飛卿江南曲

藕花洲上芙蓉楫，羞郎故移深處弄。影萍開迎風袖，
鵲雙雙飛去垂鞭笑。顧問住否橫塘，試窺簾戶妙舞。
妍歌甚時相見，定相許。歸來憔悴錦帳，久塵金犢。
黛眉慵嫵，扇底紅鉛啼痕暗積。消得腰支如許，鸞絃解
語有明月。西南伴人淒楚，悶拾楊花等閒春又負。

查爲仁

字心穀，號蓮坡，宛平人。康熙五
十三年舉人，有押簾詞一卷。

吳寶崖云：蓮坡才思超俊，履險能夷，時時招
余坐花影庵，風簾雪檻，刻燭賦詩，外尤好倚
聲抽妍，騁秘宮協律，諾能盡洗草堂花間之
餘習而出之，以雅正押簾一卷，允當把臂玉
田拍肩白石。

法曲獻仙音

除夜喜王雨楓過訪，留宿花影庵。

響竹門閒驅儻人去又是年時臘盡酌酒澆詩倚鋤埋
硯岑寂有誰能省喜舊雨還攜屐相將過三徑 懽娛
并更煨爐共添商陸且密坐閒看蠟花弄影婪尾送杯
深好黏唇休道酩酊此夜天街啟千門露紅香凝待催
殘虬箭砌外春吹近

洞仙歌

入春以來塵事稍謝日坐花影庵中卷軸之外別無所耽花南硯北頗得閒適之趣爲賦此解

流光似箭又東風吹換池上堅冰昨方泮更梅花吐白
柳色勻黃鸚到了喚醒深深庭院 關心殊不淺舊事
新愁都被春聲暗勾轉排悶欲題詩有限蠻牋書不盡

閑情長短但靜掩疎窗燕爐烟看四壁無塵圖書香滿
憶秦娥

秋聲咽樓頭雨過飄殘葉飄殘葉白雲紅樹斷腸時節
寶釵已拆難重合思量往事愁堪絕愁堪絕箇人何
處一簾新月

菩薩蠻

長紅小白花如織春光荏苒成拋擲燕語似丁寧芹泥
汚硯屏美人期未得鎮日空相憶極目板橋西垂楊
鶯亂啼

邁陂塘

夏日喜吳門趙丈飲谷偕廣陵許司馬雙
渠過游水西飲谷以新聲見贈因和此解

以誌雅意

喜朝來畫橈間機翠筇報游山館荒籬野圃蕭疎甚無
物爲君輕欸聊着眼剩檻外荷纒葉葉呈歌扇林陰午
轉看長史風流高人灑落花外笑言滿 天涯畔難得
相逢懽懽擎杯休道頻勸燕雲吳水迢迢隔後夜相思
莫挽還染翰羨側艷新詞落珠成串高蟬弄晚且珍
重篙師催趂漫急小戀夕陽岸

柳梢青 春雨

做弄輕寒絲絲如織簾捲愁看染柳多情吹桃有意都
在闌干 謾將離思頻牽且小戀重衾夢添中酒幽牕

賣花深巷翻笑春閒

陸

綸

字歷才平湖人康熙五十六年舉人官永州府知府有莞爾詞一卷

長亭怨慢

柳花

問會管絲絲離怨乍醒三眠鎮飄晴霰莫伴春歸亂紅
先自去程遠尙疑鄰院和蝶影翻飛舊逗入小簾櫳把
中酒慵心偷見如卷糝香綿夜悄碾碎月輪千片輕
埃又散較衣淚惹來深淺儘萬里有夢隨風也無力將
人吹轉只化作薪萍看卧鴛鴦波暖

邁陂塘

題荻雪邨莊

舞涼雲晴梢擘絮邨邊何限幽景蕭蕭颯颯斜陽外一

片水明沙淨秋意迴算縱有芙蓉不奈胭脂冷迢汀度
暝判岸濶燈昏天高雁響隴月纔孤艇風人遠此意
有誰能領蒼蒼原異塵境卷茅未怕風吹屋軟護低簾
霜影花下等喚白鷺飛來雙笑絲垂頂綺疎夢醒話就
菊重陽移橙細雨樂事也須併

西子妝

白蕉爲余點閱小草兼贈月下笛一闋詞以荅之

鴻溝鳴霜蛩鋪咽冷一片秋懷羈苦半生無夢著楊州
度花風鬢絲空數流光迅羽縱檢却神方難駐寄閒情
向月斜燈暗蒼茫會賦吳宮誤莫笑東鄰也學妝眉
嫵碎荷零露不成圓甚情多似珠量取紅牋擘句更珍

並珊瑚十樹指湖圻漁笛贛洲待譜

徐逢吉

字紫山自號青菰老漁錢唐人諸生有柳惲情響振輟集微笑集各一卷

厲樊榭云徐丈紫山黃雪山房在學士港口湖山幽勝處也其詞清微婉妙絕似宋人

如此江山

吳山望隔江殘雪

朔風捲却彤雲去江天正繞寒色遠踏冰崖醉扶筇杖
坐向玉清樓側越山歷歷見幾點微青數峰猶白凍老
梅梁昏鴉斜帶六陵夕西興誰又喚渡是故人欲訪
孤嶼消息獨樹無依高帆半落點綴米家殘墨海門漸
黑想今夜山陰柴關岑寂老鶴驚飛登臺吹短笛

點絳脣

同樊榭作

似箭流光梅花雪後櫻桃雨匆匆離緒春要平分去
記得年時共賦銷魂句今何苦落花無數人隔春城暮

喜遷鶯

初夏寄遠

春歸何速見點點愁紅游絲飛逐柳巷斜通槐門半掩
一片濃陰堆綠念取山遙水遠最苦晝長人獨簾影動
指畫屏風上湘娥眉蹙剪燭寫一幅碧紗烟翠寄向
空潭曲芍藥分題玫瑰壓酒要把舊歡重續窓下越羅
初試樓外芝峰如沐微醉後待涼生枕簟雨聲敲竹

霓裳中序第一

旅舍送春

纔看過寒食滿眼溪山又堆碧聽取乳鶯聲慳把故國

風光年年拋擲朱顏可惜攬瓊芳香怎留得傷心似明
妃遠嫁紅袖偷淚滴 飄泊吳南燕北水雲寬總沒消
息何人憐我岑寂小院秋千高樓吹笛離魂悄難覓東
風緊孤帆落日蒼茫裏五湖烟浪着此送春客

樓

儼

字敬思號西浦義烏人寓居上海以薦入武
英殿修詞譜議叙補靈川縣知縣歷陞江西
按察使改京卿致仕
卒有蓑笠軒詞四卷

八聲甘州

寄半樂

算幾番紅到水邊楓天氣近重陽最難逢晴霽花黃酒
綠多少詩忙著了登高吟屐那肯負秋光往事都休矣
身在他鄉 正是匆匆相見又匆匆相別一棹秋江記

小亭晚桂冒雨吐幽香想而今茱萸雙鬢向樽前未必
不思量空延佇一繩雁序喚起淒涼

長亭怨

懷戴道士

便攜了藥爐丹竈琴劍蕭蕭一篷江上矯首天空野雲
閱鶴自疎放瘴烟如霧何人肯吟邊撰杖爲我勾留看
看是梅花無恙惆悵一番秋月底巖桂有誰同賞東
籬採罷空回首萸樽酬唱誰知道蓬背霜濃猶自打寒
波雙漿且收拾詩囊留得故人相訪

宴清都

市上都行遍西風外鴻聲雲影零亂分曹賭酒分題覓

句幾番消滅依稀一樹紅梨但回首人零淚幾

謂掌亭檢討暨

乘萬

忍還說小巷南頭棗香別院塵軟

頻年嶺外梅

花瘴烟憔悴心事如見珠江一棹燕山一騎滿懷幽怨
休題萬里封侯賺白髮書生面腴悄歸來蓬底清吟藥
囊茗椀

踏莎行

流水三灣落花千片可憐纔是春將半嶺南天氣最難
憑嫩寒嬾把羊裘換雨意低迷吟情悽惋夢魂頻繞
江東岸一枝楊柳綠粼粼釣船閒繫無人管

南浦

舟次東平用白雲詞韻

低唱望江南醒來時又是乳鴉啼曉山色有無間蓬牕
倚一抹修眉初掃陰陰綠樹鶯梭點點穿來小腸斷短
長亭外路踏遍幾番芳草無端換上征衫別離多慣
把吟魂消了小市又斜陽柳絲長不管東風吹到十年
一劍宦情贏得憂心悄可憐櫻笋風光裏猶說瘴烟多
少

眉嫵

正雙星初會半月將圓情緒怎生遣記在迴廊下盈盈
步無端偷過前院偶然一盼便覺他深意無限可憐是
一尺吳中髻恰教桂花滿誰料屏風重見又折來菊

蓋那日初換似說書生老雲藍袖量珠難愜幽願笑聲
乍轉莫漫忘粧鏡人面倩誰繫紅絲翻覺泛湖興嬾

法曲獻仙音

雁影模糊蛩聲淒切又是秋將殘了兩岸青山千林紅
葉中間一溪縈繞記十載會三度蓬牕漫吟嘯客重
到可猶似舊時懷抱但兩鬢絲絲碧波羞照戲指破征
裘遍關河萬里會到檣月蓬霜消得幾番昏曉算經年
游興只有一編詩草

夜行船

薄霧朦朧雙槳去趁星光莫教天曙幾點漁舟一叢霜

荻燈火微茫何處
記得小樓曾借住倚熏籠夜深頻
語夢不分明景還依約腸斷天涯羈旅

國朝詞綜卷二十

國朝詞綜卷二十一

青浦王昶纂

厲鶚 五十四首

厲鶚

鶚

字太鴻錢唐人康熙五十九年舉人乾隆元年薦舉博學鴻詞有樊榭山房詞二卷又續

集二卷

徐紫珊云樊榭詞生香異色無半點烟火氣如入空山如聞流泉真沐浴于白石梅溪而出之者陳玉几云樊榭詞情真筆正超然神解如金石之有聲而玉之聲清越如草木之有花而蘭之味芬芳趙意田云琴雅一編節奏精微輒多絃外之響是謂以無累之神合有道之韻者

國香慢

素蘭

路遠三湘記幽崖冷谷采徧瑤房仙人鍊顏如洗尙帶
鉛霜窈窕東風搖翠返魂處佳珥成行飄零遇張碩已
墮紅塵還舞霓裳 月中何限怨念王孫草綠孤負空
香冰絲初弄清夜應訴悲涼玉斲相思一點算除是連
理唐昌閑堦澹成夢白鳳梳翎寫影雲窗

齊天樂

吳山峯隔江舞雪

瘳筇如喚登臨去江平雪晴風小濕粉樓臺釀寒城闕
不見春紅吹到微茫越嶠但半亙雲根半銷沙草爲問
鷗邊而今可有晉時櫂 清愁幾番白遣故人稀笑語
相憶多少寂寂寥寥朝朝暮暮吟得梅花俱惱將花插

帽向第一峯頭倚空長嘯忽展斜陽玉龍天際繞

百字令

丁酉清明

春光老去恨年年心事春能拘管永日空園雙燕語折盡柳條長短白眼看天青袍似草最覺當歌嬾惜惜門巷落花早又吹滿凝想烟月當時錫簫舊市慣逐嬉春伴一自笑桃人去後幾葉碧雲深淺亂擲榆錢細垂桐乳尙惹游絲轉望中何處那堪天遠山遠

疎影

湖上見柳影因賦此闕

輕陰冉冉正嫩苔弄碧庭宇深掩千縷柔魂搖蕩如烟無端忽度闌檻章臺路暗人歸處看足了斜陽濃淡又

幾痕水際低窺近日楚腰全減
依約勻梳月底亂雲
鋪滿徑籠住文簾欲結同心空試萸苗作就三分銷黯
寒添白袷清明後掃不盡隨風微歛最鏡中再寫秋疎
記得踏枝鴉點

桃源憶故人

贊

夜涼那更秋情獨冷
餘雨餘輕撲墜處濕黏簾竹瞥見
因風逐穿烟照水猶難足
小簾窺人新浴殘月剛移
桐屋一箇牆陰綠

惜餘春慢

戊辰三月二十二日汎湖用清真韻

綠徧山腰青迴沙尾花信幾風吹斷屏間鳥度鏡裏舟

移乍試苧衫綃扇常把禪機破除難負春妍流光如箭
正蘅皋稅駕鞭塵不動黛明波遠 看漸是弱絮繁烟
新荷鑄水麗景一番熏染初啼鳩後將噪蟬前池閣嫩
晴千變誰道凭闌有人暗憶年華自憐幽倩且停撓淺
酌霏雨霑衣數點

摸魚兒

得汪舍亭婺州晚春見懷詩用蛺蝶韻荅之

又騰騰一番春晚無情潮落江浦故人猶憶春前別不
肩載愁流去窓暝處展淡墨吳牋忽見殷勤語客懷定
苦在縠水雙流池樓一角日日獨看雨 淒涼意不數
淋鈴督護風流那減張緒平生我亦多情者更招酒邊

遺譜還問取問青子綠陰可記城南路休歌爾汝待再
覓郵筒餘花晚筍刻意爲君賦

夢芙蓉

戊戌五月十三日汎舟碧浪湖作

曉天魚板響趁青蘋風起碧鷗波漲一枝塔影斜裊打
雙槳道場山在望仲姬猶賸眉樣劃碎玻璃占蘆灣柳
汩新雨欲沉網何處紋簾捲上白紵歌輕去也終怊
悵雙鬟可買應作五湖長水雲連浩蕩杜郎原是疎放
有日重來願身爲鵲鏡收臉鎮相傍

浣溪沙

數到湘琴未滿絃春殘過了摘櫻天芳時那飲最思眠

八字眉痕剛半畫二分月影恰重圓第三橋外見飛仙

霓裳中序第一 宋德壽宮芙蓉石在南樞署

牆陰擁翠浪搔首繁華成俯仰藤絡苔皴草長是親見
光堯蓬萊無恙香銷玉葬怕夜深山鬼來往淒涼處奉
華舊閣記否捲簾賞惆悵疎蛩藏響雨洗淨嶙峋十
丈芙蓉孤倚月幌問點額宮梅已歸天上冷衙蜂乍放
不照到銅溝膩漲青蕪裏宣和金字也是此情況

滿庭芳

寄暢園在惠山下梁溪勝地也引第二泉穿垣而入匯爲大池有聲幽潺池中多磐石上芘喬木皆數百年物軒楹倒影與波澹蕩已亥暮春十有三日汪青渠邀子來

游坐蔭弄水顧而樂之同行虞山沈生彈
箏作秦聲以佐酒因成此調青渠近買吳
姬自杭來家梁溪故戲及之

屋借峯圍徑隨泉改過橋別是深清闌干十二真在鏡
中行不道黃衫去久風前樹猶帶茶聲江南好菰裘似
此何用買傾城 攜朋春已謝梅丸緘怨蕉紙書情任
陰陰隔葉啼老吳鶯明日片帆催發幽崖畔正有雲生
勾留住簾紋設否容我聽調箏

揚州慢 廣陵芍藥

疎雨催妍穉寒凝態天涯相見魂銷問春歸幾日未盡
減春韶算亭北新妝老去不多風露暗展輕綃送杯中

焚尾香心欲話無聊 鴉黃初試記當年曾識烟苗奈
月幌低籠雲堦斜倚夢到迢迢除卻謝郎俊句無人與
淺暈深描想難禁攜贈離情都在紅橋

賣花聲

徐翩翩書扇自稱金陵蕩子婦

花月秣陵秋十四妝樓青溪迴抱板橋頭舊日徐娘無
覓處芳草生愁 金粉一時休團扇誰留殢人只有小
銀鉤句尾可憐書蕩婦似訴漂流

水龍吟

用丁宏庵韻

客懷偏恨秋陰故遮一半闌干影蜚欺人獨鵲欺書滯
何曾慣聽疊疊吳雲迢迢楚水悠悠醒枕漫尋思那日

門前銀浦不抵似關山永凝立風簾露井可能拌參
差簫冷飄零愁髮蕭條長缺無言自領樓月斜初篝烟
清後舊家標韻又新涼陡起添衣時候作西窗暝

尾犯

坐趙谷林西池泊花檻看新種青蘆悠然動江湖之興

水空雲淨見菰蒲叢外數枝交映梢梢瑟瑟無人處被
荷風吹醒搖波十里遠界破青山影作秋聲不到秋來
要君倚檻閑聽最是淡烟低暝逗漁燈前浦冷便移
栽蕩戶添箇根邊鴨雛游泳捲葉鳴笳揉花裝被尙遲
清興又何似折取橫江相思還踏三徑

曲游春

郊外探春作

一水仙源曲被柳條遮斷千縷
婀娜有約漸帶怪逢伊
還向重簾單舸出意新梳裏看
顰鬢藥黃微澆縱近來
遠似天涯誰倩玉顏初破
禁火心情偏安伴錢藕偷
分鈿符輕墮容易斜陽恐穿
烟鳳子尙尋珠唾波面虹
橋卧任怨咽玉簫吹過無奈
澹月籠燈翠扉恨鎖

一枝春

城東許氏水軒臨流梨花一株妍淨可念
主人命酒邀賞已半落矣感而賦之

縹緲無多過清明幾度東闌愁凭飄搖素羽漲曉乍迷
天鏡垂楊倦眼似相見雪融酥凝拌早趁深淺沾春護
惜夢雲輕冷
聲聲鶉鴝催暝憶初籠香雨烟綃娟靚
清蟬墜小瘦減玉兒妝影憑誰看取好留向繡牀低暎

還帶葉偷綴瓊絲晚風未冑

丁香結

暮春初霽用清真韻

吹落嬌雲展開平碧枝上雨殘猶隕恨流光偏迅數景
物賸得鶯憨蜂潤小紅曾記否朝醒殢薄寒自忍可憐
游舫散後定是蕪菁開盡相引早餽飮陰晴花信催
過幾陣曲巷幽坊柳絲竹粉翠樓生暈謝家飄蕩紫額
翦麴塵盈寸凭闌干那曲冶葉何人摘損

高陽臺

成憲九十九子瓷合金壽門索賦云是宮中妝具也

祕翠分峯凝花出土依稀粉滴脂函鈿合前塵宮羅冷
却黃尖浮梁猶有當時月向夜深孤照秋匳怨長門夢

斷蒼龍字漬眠蠶 戲嬰圖子誰描得
恰臨收試仿黛
筆重添數比螽斯未曾盈百休嫌從今舊價卑哥汝宛
青娥紅淚偷淹莫銷魂漢苑瑤箱久落江南
明時瓷器
進御者皆
出浮梁之景德鎮

眼兒媚

一寸橫波惹春留何止最宜秋妝殘粉薄矜嚴消盡只
有溫柔 當時底事忽忽去悔不載扁舟分明記得吹
花小徑聽雨高樓

三姝媚

櫻桃花

嬌鶯含得未正眠燈風收繁心低綴薄暈微頰學玉窗

國朝詩集卷二十一
勻面粉淹脂淚悄探芳期先占了沿溪桃李無語銷魂
偷折斜枝下堦遊戲 休觸蜂須飛墜到細數圓珠好
春流水翠沼深深照一庭隴月暖香吹碎記挽單衫相
送嬾難醒殘醉隔著重簾花下瞢騰喚起

慶清朝慢

辛丑長安元夕同王雪子金繪占集注
西亭水部寓齋賦

瑞雪燈樓障風酒幕千門春散京華閑情似夢小歡深
辭銷佗莫趁走橋人去故園伴侶在天涯當杯有一般
好月燭影初斜 簫鼓隔牆未厭況水曹詩俊淡墨棲
雅疎香共憶窗外應少梅花從此滿城門草細娘催上
卓金車心期遠鶯邊古寺雁外晴沙

玉漏遲

永康病中夜雨感懷

薄游成小倦驚風夢雨意長牋短病與秋爭葉葉碧梧
聲顫濕鼓山城暗數更穿入溪雲千片燈暈翦似曾認
我茂陵心眼少年不負吟邊幾熨帛光陰試香池館
歡境消磨盡付砌蟲微歎客子關情藥裏資何地烟林
疎散懷正遠胥濤曉喧楓岸

百字令

月夜過七里灘光景奇絕歌此調幾令衆
山皆響

秋光今夜向桐江爲寫當年高躅風露皆非人世有自
坐船頭吹竹萬籟生山一星在水鶴夢疑重續欸音遙
去西巖漁父初宿心憶夕社沈埋清狂不見使我形

容獨寂寂冷螢三四點穿破前灣茅屋林淨藏烟峯危
限月帆影搖空綠隨風飄蕩白雲還卧深谷

憶舊游

辛丑九月既望風日清霽喚艇自西堰橋
沿秦亭法華灣洞以達於河橋時秋蘆作

花遠近綃目回望諸峯蒼然如出晴雪之
上庵以秋雪名不虛也乃假僧榻偃仰終
日唯聞櫓聲掠波往來使人絕去世俗營
競所在向晚宿西溪田舍以長短句紀之

迦溪流雲去樹約風來山翦秋眉一片
尋秋意是涼花
載雪人在蘆漪楚天舊愁多少飄作鬢邊絲
正浦澈蒼
茫閑隨野色行到禪扉忘機悄無語坐雁底
焚香葢
外絃詩又送蕭蕭響盡平沙霜信吹上僧衣
憑高一聲
彈指天地入斜暉已隔斷塵喧門前弄月漁艇歸

齊天樂

秋聲館賦秋聲

簾淒燈暗眠還起清商幾處催發碎竹虛廊枯蓮淺渚
不辨聲來何葉桐颺又接盡吹入潘郎一簪愁髮已是
難聽中宵無用怨離別陰蟲還更切切玉窗挑錦倦
驚響簷鐵漏斷高城鐘疎野寺遙送涼潮嗚咽微吟漸
怯訝籬豆花閒雨篩時節獨自開門滿庭都是月

西湖月

明慈聖李太后賜畫九蓮觀音像在靈隱寺借秋閣

忽忽夢了華胥早驚嶺窗前貯將圖畫翠瓊長帶銖衣
細疊冷綃光研巖居瞻瑞相展一檜松風塵外挂任水
際苦入秋心依舊九蓮開也署年髣髴神宗說侍養

深宮白頭閑話月輪圓裏山河小影似驚飄瓦興亡多
少事便指與枯禪應淚灑已零落阿監當時奉香黃帕

綺羅香

壬寅春分約徐丈紫山同賦

水榭收燈虹梁待燕判斷韶華如許九十芳辰一半自
今堪數嬌意緒欲暖翻寒嬾心性乍晴還雨已飄殘梅
雪鱗鱗井桃花信未遲暮簫樓應惜冶思誰在生香
徑裏和鶯低語約略東風好似破瓜眉嫵剛宿露蝶夢
攪勻更惹烟柳絲偷取悵年時一掬春秋試分知解否

皂羅特髻

賦包頭

膠鬢攏罷稱滑笏吳綃摺成如水淺緝素額更斜遮蟬

翅重窺鏡非關怕冷上頭初愛道隨時世最宜淡泞恁
略施珠翠還把一痕顰擘襯微微紅起春愁困莫教
半卸到殘妝秀暈分明是碧烟抹斷看兩蛾尤細

夏初臨

初夏雨中同蔣丈靜山汎湖

蘸就魚天搓成鷗雨空濛撥櫂遲遲無數蘋花輕香點
破漣漪遠風沿岸斜吹濕青蓬誰弄參差湖心亭柳千
條暎波纔是愁時可憐春去追送今朝破除酒病更
鬥槍旗簾釘窗眼曲游俊侶都非那不淒迷放殘陽綠
過橋西記蘇堤衣香後船柔檣枝枝

喜遷鶯

初夏

竹香新引漸綠到岸東茶蘼吹盡貓繡心慵行棹聲歇
長日瑣窗清潤閑臨小風揮扇涼思先歸鬆鬢爲誰瘦
鞦韆單衫尙束春前幽恨芳信緘密意蠅字玉釵待招
榴巾問門茗樓前澡蘭屏底猶記那回眉印幾絲麝煤
飛度山枕天涯翻近夢催破聽迎梅雨點敲簷初緊

八歸 隱几山樓賦夕陽

初翻雁背旋催鴉翼高樹半挂微暈銷凝最是登樓意
常對亂波紅蘼遠山青襯不管長亭歌欲斷漸照去鞭
痕將隱想故苑燕麥離離滿地弄金粉何況春游乍
歇花愁多少只惱黃昏偏近冷和帆落慘連笳起更帶

孤烟斜引誤雕闌倚徧霽色明朝也應準無言處望中
容易下却西牆相思人老盡

高陽臺

落梅

縞月啼香青禽警瘦遺環與恨俱飄雪沒鞦韆痕何人爲
埽溪橋東風欲避層臺遠御風歸第一春銷惱相思枝
北枝南冷夢迢迢山空記得吟疎影拾參差片腦自
裏冰綃湖水無聲流殘舊怨新嬌餘酸已在濃陰裏怕
重屏半萼難描更堪他消息經年雨暮烟朝

木蘭花慢

城西開元宮本宋周漢國公主府元時
句曲外史張伯雨入道於此外史開元
宮得月軒詞有環堵隘花狼藉溝水漲
雲充斥似石魚湖小酒船寬窄之句今

國朝詩卷之二十一
闌入軍營中僅矮屋數楹奉高真像旁
有隙地積水縱橫猶是當日陳跡也雍
正癸卯二月十九日過之書此以貽訪
古者

自吹簫伴去還再住列仙儒想瑤草呼龍梅花待鶴詩
鬢慵梳平生愛尋先隱冷襟懷要與俗人疎可惜風騷
零落而今纔到清都漫郎曾賦石魚湖流水繞堦除
映一片涓涓斷雲新柳照影荒渠宮闥已銷餘艷覓彩
毫何處寫黃圖說與游人記得羽觴汎也應無

念奴嬌

甲辰六月八日子將北游東扶聖幾餞子
湖上泊舟柳影荷香中日落而歸殊覺黃
塵席帽難爲懷抱矣因用白石道人韻歌
以志別

孤舟入畫怪人閒誰寫漁朋鷗侶起坐不離雲鳥外倒

影山無重數。柳寺移陰。對田陀碧花氣涼。於雨詩成猶未遠。蟬吟破秋句。忽記身是行人。勞君把酒。暫掛湖光去。其惜風亭今夜。笛月逗離聲。前浦千里幽襟。一堤野思。終擬將家住。甚時攜手水濱。搖曳烟路。

解語花

春日見閨人擣鼓

簾遮畫影。釵翦春痕。香度深深院。玉嬀鶯婉。無愁處。小坐釘花牀畔。飛空碎遠。看一朵翠翹難顫。驚夢回。聲落高唐白雨。隨酥腕。長記柑筵飲散。遇紅蘭潮靨。青柳垂眼。唾霏休濺。飄飄袖。應是細敲腸。斷微音。弄釧料無此。漁陽嬌怨。生晚寒。燈暈妝樓。敲被池人倦。

琵琶仙

康山在揚州輦土爲之以康對山寓此得名今屬吳氏乙巳二月四日被江招飲其上四顧曠然俯仰今昔同集者尺鬼授衣各賦一解

休恨無山小闌外略借江南眉色何況山在人家梯青
喚雙屐吹不斷風前笑語怕驚起退紅簾隙古堞飛帆
平林指塔春望無力舊知己觴送花迎畫歌舞屏閒
未頭白誰道琵琶纔招賸康家陳跡豪氣被蕭蕭草樹
甚曳裾有此狂客爲問天畔歸鴻遠愁銜得

摸魚兒

蕪城清明

杏餉香開花門巷家家風外晴穩來時猶道江程短定
不短如愁鬢飛絮近作酒惡寒輕只是無人問紅絲硯

潤便杜老傷春江郎賦別難寫此時恨
西湖路最愛山聯眉暈游船曾記歸盡綠楊闌角聽鶯坐知我平生
疎俊情一寸回首處雲容水態還相引天涯自晒繞九
里街中三分月底誰與寄芳信

掃花游

乙巳三月二十三日客揚州空齋積雨孤
愁特甚問人始知是春盡日也黯然於懷
賦寄尺牘

折花汎舸又夜淺燈孤綠陰如許舊遊閒阻聽簷聲壓
酒醉醒無據落魄多愁尙記羅裙雁柱向南浦訝楊柳
今朝腰瘦慵舞行徧深院宇已負了春來忍教春去
笑人易誤似山中枕石頓忘時序小榼櫻桃更憶西園

勝聚寄情處畫當年滿湖烟雨

門嬋娟

題趙飲谷采香詞居近滄浪亭自榜曰小吳船

中吳烟水微茫地吟邊何限清感夜深腰笛伴漁謳冷
玉花千點翦秀骨香霏露染娃宮風景教長占錯羨舟
居好幾雁齒橋頭解纜回首銷黯仍是載酒年時驀
然低憶蕙爐絲裊菱鑑斷腸重唱小橫塘粉字開還掩
縱賀老心情未減無端世味如雲淡好約我垂竿手斜
雨梅黃凭君畫檻

水龍吟

梅雨初霽湖上山水浮動涼氣沁人肌骨尺鬼買舟約予輩數人緣孤山掠蘇堤入西林橋以泊於裏湖時意林鼓琴敬身作小篆數幅樂城觴碧筒勸客子與尺鬼各

賦此曲極暮乃罷去丁未五月二十五日
也

蜻蜓偷眼涼多飛隨小舫搖空翠西冷五月碧羅初染
冰壺乍洗多麗香車閑情椒壁夢塵空徒載荷心酒苦
桐枝絃澹看一陣風漪細更譜玲瓏散水戰長林葉
閒疎吹高寒更憶迴峯隱舍鳴泉僧寺易得驚秋菰蘆
深處此歌堪倚漸鐘催人散平波墜露點青螢尾

蝶戀花

戊申春暮城東周氏小園池上作

三月風顛吹斷柳何況薔薇落處依苔厚折得一枝花
在手戴花人尙平安否行徧回塘銷永晝水影蘋香
只是侵襟袖杜宇數聲春欲瘦斜陽豔豔醺如酒

謁金門

七月既望湖上雨後作

凭畫檻雨洗秋濃人淡隔水殘霞明冉冉小山三四點
艇子幾時同汎待折荷花臨鑑日日綠盤疎粉豔西
風無處減

國香慢

壬子冬至後三日過馬半槎南齋炙甜香
以供客風味幽絕前明宣宗時禁中製也
坐上索予譜斯闕成半槎謂予云昔熊詒
齋請詹天游賦輿香慶清朝慢云願掃陳
言君於此題當與天游競爽矣明日以綠
箋請予書之裝成小軸高西唐篆其首曰
甜香新唱

雨浥芳塵愛花瓷寶屑百種芬氤誰將蜜脾滋味散作
濃春顫裊微烟猶未寫蘭韻如幻如真輕翻小銀葉舌

本先參鼻觀徐聞 漢宮遺事遠歎尋方難和按譜偷
分茗甌初啜依約撓了餘熏縹緲華胥一枕蝶飛來猶
戀梨雲回思殢人處寄與當時浣罷羅巾

澡蘭香

癸丑淮南重午用吳夢窗韻

荷聲碧檻蒜影紋簾詩在枕根夢覺釵邊綴虎扇底彈
蠅輪與彩舟佳約記琵琶初見灣頭纔舒新眉半萼立
盡梅陰晚雨猶鳴青蕩 贏得星星短鬢羞照江心一
規銅魄涼生楚簟怨入宮砂多少玉窗羅幕想南湖十
頃菱波閑了微吟淺酌還認取天際歸帆飛鳧闌角

蕙蘭芳引

乾隆丙辰秋七月十日行郊城道上淺
暑猶熾夾道楊柳依依墮有慰于倦旅

子自庚子冬經此已十七年爾時樹猶未種也江潭憔悴之感在人更有甚于樹者賦此闕書旗亭壁

塵沁短衣話前事倦途亭午向畏景新秋官柳自垂萬
縷繫人舊感問翠黛那時何處等再來瞥見付與騾綱
鈴語 粉絮吹簾柔枝繁扇擁髻曾訴念好箇江南爭
似路旁低舞少年容易鬢霜早聚顚顚多長夢畫橋煙
浦

天香

烟草神農經不載出於明季自閩海外之呂宋國移種中土名淡巴菰又名金絲薰見姚旅露書食之之法細切如縷灼以管而吸之令人如醉祛寒破寂風味在隨生之外今日偉男鬚女無人不嗜而予好之尤至恨題詠者少今異卉之淫鬱也暇日斐然命筆傳諸

好事

瀛嶼沙空星槎翠翦耕龍罷種瑤草秋葉頻翻春絲細
吐寄與繡囊函小荷箭漫試正一點溫磨和惱纔近朱
櫻破處堪憐蕙風初裊嬌寒戰回料峭勝檳榔爲銷
殘飽旅枕半欹熏透夢闌人悄幾縷巫雲尙在濺唾袖
餘花未忘了喚剔春燈暗紫醉抱

湘月

揚州勝處惟紅橋爲最春秋佳日苦爲游氛
所雜俗以大舟載酒穹蓬而六柱旁翼闌檻
如亭榭然每數樓並集或銜尾以進則烟水
之趣希矣戊午十月十七日風日清美煦然
如春廉風黃亭賓客封田招子與授衣于相
喚舟出鎮淮門歷諸家園館小泊紅橋延緣
至法海寺極蘆灣盡處而止蕭寥無人談飲
間作亦一時之樂也懸燈歸櫂吟興各不能

國朝詩集卷二十一
已相約賦念奴嬌高情辭一闕而屬子序之

客游未嬾記名園水鑰誰與重叩淡寫霜痕愛到處吹
盡尋常歌酒斷激通烟疎籬借暖尙挂微黃柳移船遙
去照人都爲詩瘦 何地更著功名天教老子付垂綸
閑手細數聞千問往事春共橫波爭秀亂影風燈催歸
晚笛眷此情依舊城頭生月作成鄉思時候

角招

予與趙谷林長安別三年矣戊午初冬谷林
自北歸相見于邗城塵衣風帽同話舊游優
然振觸予懷也家山漸近又復薄違分手于
歸杭當在冬杪谷林家西池梅花下談讌之
樂計日可待因用白石老仙自度曲所云黃
鍾清角調者製一闕寄之

話離索相逢又是江天雁影寥廓近來偏憶著並馬去

程茅店山郭情懷最惡向舊日淮南樓託看盡人間迎
送似官道柳垂垂任西風梳掠休莫琴移別調塵銷
古怨此意真如瘧夢歸烟漠漠題扇書裙三年前約吳
船乍泊早問取疎梅池閣爲怕寒香瘦削想翻笑我歸
遲延春酌

梅子黃時雨

梅雨

枯坐幽窓賺輕夢破時驚響荷扇正濃綠牆頭金丸堪
薦想到一犁江上暝愁將入吳雲遠淙淙徧吹笛夜船
燈影遙顛深院殘寒猶戀漫妨他燕乳簾暗慵卷奈
掃壁看題蝸偷銀篋依約紅綃香潤句皺羅應佇沿堵

蕙風微便樓前鏡波深淺

桂枝香

銀魚

平橋永畫慣柔浪寸難來問春後長是船橫鴨嘴派流
鶯脰高人不見元真子在烟波到今依舊葦汀花岸千
絲作網笑伊嬌嬈更比似針鋒細瘦好分付吳娘施
樓京就翠金荳芽乳入甌芳溜鷗鄉占取閑滋味任
年年阻風中酒幾分纖軟堪人斷腸憶鱸能否

聲聲慢

題停琴士女圖

簾垂有影院靜無聲誰家待月闌干雨點深聲分付次
第眉山嬋娟薄妝乍脫便低鬟更自幽妍心事遠看轉

將瑤軫尙怯春寒 只有梅花知得愛香生絃外韻在
絲前小立徘徊肯教流響空烟人間尙留粉本不愁他
輕誤華年凝望處想參橫依約未眠

齊天樂

絡緯

夕陽纔作微涼意幽窗便聞秋紡怨緒回風情絲曳雨
交戛依然搖颺離悰記往在楓葉橫塘豆花深巷翠股
斜欹蕭蕭又送去年響 何人聽時較早舊啼銀燭背
寒素無恙染黛形輕翻車韻急偏隔秦樓朱幌餘約漫
想怕短髮難搔助愁千丈夜色柴門幾聲天更爽

清平樂

春游士女圖

膠鬚新拭正是停針日小扇撲餘無氣力風裏楊花吹
急銷凝石畔堯幘不知偎暖蒼苔欲就濃香一夢翩
翩胡蝶飛來